


^ 16
2802
2



16
2802
2

文清公薛先生文集卷之三

門人關西張鼎校正編輯



黃河賦

吾觀黃河之渾渾兮乃元氣之萃丞濬洪源於西極
兮注天派於滄瀛貫后土之厖博兮杳玄溝之晶明
過積石而左轉兮龍門呀而峻領薄太華而東驚兮
撼砥柱之崢嶸入大陸而北徙兮迷不辨夫九河之
故形經兩海而紀衆流兮灑浮沉之濯靈覽頽波而
懷明德兮又何莫非蚩氏所經營登峴嶮而俯視兮

四十九年
十月六日

固彷彿其初迹馭高風而騁望兮遂矚游其曲直何
末流之混濁兮始清激而澁澁羌澹灑而徐趨兮勢
法法而自得剛險石以闢暴兮訖雷轟而鞞擊天宇
擴其沈滂兮渺上下之玄黃霧雨霏霏而滂集兮混
邃古之洪荒微風蕩拂而渙散兮天機組織其文章
頽焱浩而洶湧兮百恠垂涎而簸揚腥雲濁浪以盪
汨兮恍忽顛倒夫舟航靈曜升而赫照兮乘正色於
中央望舒在御而下臨兮列宿涵泳其光芒若乃震
秉符以行令兮百谷滂滂其凍釋山澤沮洳以上氣
兮增澆濇之洋溢魚龍乘濤以變化兮杳莫測其所
極祝融載節以南屆兮雷而奮達以霧歸橫支流而
殷合兮百川奔而來會木輪困而漂拔兮蔽雲日而
淘汰狂瀾洶而鬻岸兮塊土焉塞夫衝積霜戒嚴而
木脫兮少昊執矩以司秋洲渚緬邈而石出兮始殺
湍而安流霰雪紛其四集兮顛頊乘坎以奮神大塊
噫氣而摩軋兮流澌下而龍鱗層冰橫絕而山委兮
河伯驅石以梁津羌險夷而明晦兮變朝暮與四時
颺風起而衝水兮鱗恠駭其難推觀圓方之一氣兮
恒來往而密移昔尼父之歎逝兮跨百世而罕知顧
川流之有本兮與終古以爲期啓龍圖而翫六一兮

悟主宰之所爲喟余心之未純兮感道妙之如斯聊
誦言以自明兮庶晝夜之靡虧

虛菴賦爲僉憲泰和劉咸作

觀堪輿之橐籥兮恒嘘炎而吸寒漠空洞而容納兮
神化繼出而源源混真精之微密兮生人物於兩間
何此氣之雜糅兮異明暗與強孱物擾擾而並進兮
慨中虛之委填雖暫空而還塞兮又何以納夫清言
聖覽茲之蔽濁兮啓象告之幽玄上呀然之澤水兮
下安安之崇山山中闢以承澤兮澤下浸以潺湲觀
咸虛之受益兮知中私之可刊有君子之好古兮贊

清明而粹完窺羲皇而求索兮仰姬孔以援扳肇佳
名以爰錫兮寓虛菴而頤頽闢混沌以爲室兮鍵太
素以爲關列冲澹而爲榻兮鋪恬靜而爲莞幕天宇
之擴落兮鏡止水之澄滂延皓月以爲友兮抱虛明
之團團撫瑤琴而寫中素兮清風去而徐還步逍遙
而徙倚兮悟達人之大觀飲太和而療渴兮味道腴
以充餐佩文史之璜璫兮服禮義之衣冠不先物而
內植兮恒洞達而平寬理無微而不蘊兮善無入而
不安知靜存而動出兮合大化之循環守此度之益
敷兮諒感通之何難顧余質之中窳兮慕夫人之閑

閑願相從於廣宇兮長依倚而盤桓

雪賦

維月之孟陽兮氣栗烈而嚴凝歲忽忽而邁盡兮闕
升降之機局相重陰之蘊杳兮霰雪下而縱橫何玄
冥之工巧兮鑿六出之奇形初揮霍而散漫兮遂漠
漠而無窮乍大荒之微聖兮久川谷而俱盈灑長松
之落落兮玉龍夭矯而騫騰逐回聽而入竹兮磕金
石之琤琤被欽釜之絕噉兮若天吳起立而海波傾
訝城闕之方啓兮敵馬夷之幽宮捲前簾而凝睇兮
懸旒玉於簷楹九臯之鶴橫空而遠逝兮惟聞夫曷然
之長鳴舞瑤臺之佚女兮迷不覩夫綽約之冶容疑
地媪之効瑞兮珪璧磊落而晶瑩豈清都紫微之旣
春兮梨花飛絮而交零載瑤車而駕玉虬兮將遠觀
夫九野與八紘遵渤澥而東驚兮涉萬里之滄溟登
九疑而瞰南極兮祝融不炳耀其銛鋒循流沙而涉
弱水兮歷崢嶸之長冰臨大漠而晚中土兮山川紆
曲而齊同天地混融而爲一兮又孰別夫濁與清乃
旋轉而息駕兮獨恍恍於中庭四方上下皆在我闥
兮擴靈府之宏澄探元化於終古兮聊向風而抽情
亂曰洪鈞幹運一氣孔道兮四時相沓而翕闔何由

兮陽以陰肅思若仇兮圓寂無餘而發爛莫收兮虫
牟降伏三白肇休兮歲薦若茲我將何求兮

自備賦

皇降予以衆美兮實清明而粹全胡賦質之不猶兮
乃蔽昧而強孱自有識而發憤兮窺前備之闡關誦
古訓之數數兮服至理之眷眷雖苦心而極力兮猶
未從容乎矩步忽內怛而自備兮吾知其故善旣復
而或失兮怠與敬其交驚心暫開而或蔽兮理與欲
其紛互此實進退之機兮譬千里於陸步苟决擇之
不勇兮將邪羸而正負蓋必於敬於理而保持兮於
怠與欲其屏去旣經心以自明兮復誦言以自固庶
成性之存存兮全上天之所賦

思本賦

吾行年之匪少兮胡貿貿而靡思善惡原於杪忽兮
寢千里其遠而木油油而上聳兮波法法而載馳托
后土之鴻厖兮本大化之無涯肇總總之衆物兮咸
資始於天淵矧含靈之物秀兮孰有不自其先先昭
列而在上兮子孫繩其在下或一日而不思兮將原
竭而本仆或廣植而不食其穫兮或勤施而不責所
負渺河流之汪洋兮濶實漸於遐土啓我人以坦途

今闢我人以大戶既登名於薦書兮復顯仕於朝列
念積累之艱難兮恒拳拳而恐失服聖賢之明訓兮
索衆妙於微曠仰皇昊之賦畀兮保天理於晷刻謹
余識之昭昭兮匪他岐之敢惑潔余身之皓皓兮豈
外物之能涅是惟顧本源以自脩兮若見親於羨壻
行斯百而靡虧兮體毫髮而匪傷堅此志之罔替兮
愛此言之不忘敦忠孝而日新兮庶末盛而流長

古詩

禱雨効韓體

盛夏將幾月亢旱何赫炎山澤不通氣水雷更深潛
畢亦無所爲徒聞掛鉞瞻豐隆久音默列缺寧窺覘
螻蟻閑深穴老蛟遯幽潭凡此衆陰類畏避何安恬
而獨哆口箕簸揚助飛廉微雲稍欲布驅逐無毫纖
陰氣歛將合極力故攪擗蓬蓬太虛內日夕恣併兼
既迎望舒轡復送羲和驟遂使平田中百物如燒燂
吏民紛祈禱土梗空巍若擊鼓神弗聞旱氣轉覺添
焚巫果何計暴尫信虛談我欲款上帝上訴箕風讒
狂吹既清息長舌亦收緘得使陰陽和坐見雨露霑
枯槁總滋遂沛澤皆濡淹室家合飽足兒女無譎譎
永荷神力慈式歌大化覃抱此雖自奇臨期復疑瞻

文集卷之二
六
翫一齋爲柳克新賦

靜觀一理大寡聞竟難言惟於流行際特達見本根
胡爲岐路雜靈妙日已昏玄聖發曾子濂溪啓程昆
後哲總超悟殊途集同門吾友展禽裔古道性所敦
乃作翫一齋游處資操存極力屏群欲篤志收奇勛
歛茲義理微芟彼枝葉繁始知千萬緒無不會心源
了此匪爲易仰視有蒼玄

舞陽阻雨留宿

清曉發昆陽綠野散朝旭夾道禾黍長泥濘淹馬足
東行得平岡舞陽忽在目入自西郭門兩街喜多竹

爽氣拂征衫清風颭鳴玉便覺八境偏似有太古俗
阻雨留憲臺修忽經再宿永日臨見圖書清宵散華燭
念此居處崇內顧王程速敢不勉忠勤而胡遂安欲
此邑足名賢王常韓鄒炳相續明發登前途回首憶

高燭

宿信陽慈氏寺有懷趙侍御二首

禪室絕清灑夜景何寥寥白月墮簷隙涼飈拂林梢
有客不能寐起坐心勞焦所懷同心友相去一何遙
開門望天宇露冷河漢高恨無雙羽翰奮飛共遊遨
秉燭遂至旦詩成還獨謠

文集卷之一
山寺月皎皎流光入簾帷神清不成寐起視夜何其
天漢漑回轉參斗亦西移庭草滋繁露林竹生涼颺
撫景念良友渺在天一涯會面曾幾日成此遠別離
冉冉易寒暑悠悠隔山陂豈無他人好中情詎能知
所願得懽晤以慰平生思

舟行野湖中

湖水與天平波濤亦何壯我舟駕長風遠破萬里浪
玉節方在斯百恠誰敢傍明登岳陽樓八荒應在望

壘前

少小心好奇斯遊歲方壯雲帆拂遙天畫舫壓高嶽

青山歷歷過可見不可傍明泊洞庭湖還當極遐望

龍陽山行遇雨二首

楚山饒古木楚水遶奇石林霏暗不開石瀨瀉何急
久行路欲迷嵐雨互蒸濕陟降童僕勞竟日未遑息
向晚落葉多攬轡更駐立

歲晚山行深山中水重疊叢篁夾溪橋橋斷橫槎接
陰雨竟連朝雲林黦一色虛風忽冷然蕭蕭墜黃葉
撫景復何爲內顧遠遊客

宿山亭

山深郵舍孤入門晚色靜四顧足喬林蕭蕭北風勁

文集卷之一
向夕起重霏窻戶條已暝燃松代秉燭明暗光靡定
草草具杯酌何暇梨菓釘乃知山林趣足發遠遊興
天明登前山清風滿蘿逕

瀟湘八景

余少時聞瀟湘八景之清致而未得一遊
也今年冬來湖南始得親歷而詳覽之遂
爲八詩以寫其趣

山市晴嵐

雨來萬壑昏雨過千山出晴旭楚人家蛾眉畫生綠
看看如有情餘光遠相逐

洞庭秋月

西風淨晚烟天水遠相接瓊樓玉宇深炯炯涵虛白
夜久風露寒一曲湘靈瑟

平沙落鴈

霜清秋水落風過人迹平飛飛隨陽鳥相呼下寒汀
向夕聚儔侶月暎蘆花明

烟寺晚鐘

夕照下山門清音出烟霧暝壑二僧還側佇尋歸路
月上楚天寬霜落洞庭樹

瀟湘夜雨

兩岸叢篁濕一夕波浪生孤燈蓬底宿江雨篷背鳴
南來北往客同聽不同情

江村暮雪

落落漁樵家蒼蒼起烟霧岸滑移釣舟沙平失歸路
似有淩波人盈盈月中去

漁村落照

釣艇收晚緝歸鴉集疎柳天風吹彩霞明月曠江口
孤村一笛橫萬慮復何有

遠浦帆歸

翩翩投極浦漠漠背殘照水柵歌竹枝清風激幽調
歸舟漸覺稀錯莫尚凝眺

微恙不出

客居養微疴久與人事疎早起無所爲盥櫛讀我書
我書有真味寧比膏與腴膏腴常有厭真味諒難如
自得復誰告撫心但躊躇

泊舟貽溪宿陽樓山下三首

泊舟清江潯肩輿渡迴溪微逕入叢篠蒙籠行欲迷
轉步忽開曠溪山間高卑傍水野航小連林茅屋低
適遂情景豁寧覺人俗非山堂稍曛黑冥冥子規啼
草堂傍溪谷瀟灑無塵埃隱几流水去開牖青山來

客情既虛靜遠日何曠哉弭節得周覽外慮仍侵懷
村落日已暝山岷猶未回念此不能寐遠抱殊難裁
窈窕入清溪側逕何紆曲魚梁截奔流雪瀨漱寒玉
空翠濕人衣霧雨滿新竹路窮上野航前登得平陸
日暮烟火迷似向桃源宿

舟中聞蟬

扁舟泛湘水水碧風日晴適有異鄉感忽聞衆蟬鳴
妻切篁竹茂斷續楓林青家園舊喜聽客裏難爲情
時節知己易遠遊心緒驚因念衆兒女依依候門庭
雖云憫中私尤當顧王程

湘江舟中

湛湛湘水綠夾岸叢篁多挽舟逆水上南風起微波
嘉此晴霄景迢迢翫江沱沙渚曠緬邈雲岫紛嗟峨
遠日爲舒暢客意將如何濯纓吾所愛聊爲扣舷歌

至襄城

襄城古名邑山水殊清妍我遊適已再入境心欣然
憲府絕瀟灑乃在城東偏停驂得所止景靜俗慮捐
修竹滿堂後翠栢當庭前攀折將有贈聊比志節堅
念之不能已長謡遂成篇

望諸葛草廬

我行迨王程訪古少暇日曉出南陽門馬渡消河急
舉目眺西崗林木半蒼碧有祠中巉峨云是孔明室
使我心慨然攬轡久瞻立憶當炎祿衰四海皆橫溢
奸豪競虎吞孰知順與逆公時獨悠然放歌聊自適
及來耕隆中日以老所益高視千古人管樂自儔匹
有時發中懷長嘯獨抱膝寧知卧龍姿還爲冰鑑識
賢哉劉豫州三顧何汲汲問以當世事指掌皆歷歷
自茲出茅廬魚水情尤密後來大業興益見前籌力
公心果何如是欲靜群賊復漢還舊都志願乃終畢
柰何逢厄運終非智能及五夜星隕營三軍淚沾臆

至今五丈原悲風尚蕭瑟遂使英雄士遺恨無終極
今來望公廬咫尺不暫卽園井定依然遺像想猶昔
平林渺寒烟長纒帶古色所貴賢者居孰不仰遺迹
鞭馬復南行迴想猶未釋朗誦出師表沉思八陣石
浩浩天壤間奇才難再得他年擬重來更當展良覲

襄陽道中

曉醉新野縣午入襄陽境迢遞岡岷長曲折溪流靜
入村竹青青便覺異風景唯時霜雪繁歲晏北風冷
中私且撥捐灶觀極馳騁日暮臨漢江窮源思方永
扁舟過瀕史波濤任奔猛遠行足險夷吾心良獨省

登峴山

停舟漢水濱跨馬陟峴首漢北渺川原漢南足林藪
山水兩迴環地氣蓄不走城北一掌中名勝良不偶
紅樓杳難卽粉堞繁可取虛白瞰遠沙踈翠俯高柳
柳外居人家向背各開牖美哉風景奇詩興濃於酒
下馬復山行遺壘高培塿歲久悉荒殘戰骨亦楛朽
緬思前代爭南北此樞紐典午窺併吞元宋竭攻守
兵連歷歲時良田生宿莽力屈或不支乃爲強者有
而雖富土疆竟莫絕稂莠明運開萬方稽顙唯恐後
浩浩江漢間一洗舊昏垢詩傳二南俗人享百年壽
乃知皇力尊澤及生靈厚小臣職觀風登覽匪外謫
所願歌昇平彌億萬年久

峴山羊公祠

峴首羊公洞周圍帶草莽重是古名卿舍舟聊一上
雪消江路滑氣暖神甍敞捫碑溢蘇痕舉帷綴珠網
字隱不可讀風流猶在想想當公昔年跨馬此登賞
顧彼山常存身滅足悵快寧知千載餘公名蔽天壤
遂使山增輝過者悉瞻仰足明仁厚澤不與時世往
我來復何爲作詩踵遺響

遊習家池

谷口一逕入蒼山四邊開中有習池水水碧無纖埃
泉源初噴薄交流遂滌澗飛鳥鏡中度行雲天外來
微風一蕩拂林影久徘徊寒光空心性俯翫何悠哉
愛此不能去載歌寫中懷

遊君山寺

爲愛湖中山遂尋山下路躋攀轉幽邃澗谷亦川互
石蹬足莓苔青林雜烟霧前行如有窮嵐嶺乍分布
招提壓重湖千里周一顧孤峯四無根形氣自依附
山僧復導我窈窕更徐步踈籬野蔓懸老圃寒泉注
逕轉山房深重與絕境遇白雲簷外生清風竹間度

庭花雜無名歲晏色猶故澄心得妙觀忘言契良晤
愛此林壑清遂薄塵俗務重來待何時尚子畢嫁娶

洞庭遇雨

孤舟行何遲歲晚洞庭雨跳波亂明珠隨風颺細縷
雲霧失君山波浪連吳楚莫唱班竹枝別思滿南浦

青草湖卽事

洞庭方始過青草又相續水落湖地寬冬暖草芽綠
遊目解孤悶卽事忘拘束艤棹觀璣罟援弓射鴻鵠
取笑復何爲聊爾徇人俗

雨後臨雙池

時雨夜來歇雙沼朝欲平
香草何瑣雜芊蔚繞岸生
脩竹瀉風露圓荷貼青萍
顧此好脩客覽彼衆物榮
徘徊撫彫檻徙倚當素屏
採掇終有贈緬焉起深誠

雜詠六首

岩岩泰山石靄靄石上雲
湏臾過八極霖雨竟朝曛
功成不言利收歛不盈分
致此豈云遠舉目窺嶙峋
溶溶綠池水上有嘉樹林
白鳥來何方集此清池潄
毛羽粲霜雪和鳴激流音
可見不可卽徒勞觀者心
一舉冲青天虞羅諒難尋

江漢豈云廣一葦可以航
山岳豈云大吾將陟周行
淇水有葦竹澧浦多蘭芳
旣自抱孤節還應發幽香
令併會有時遠抱非俗量

皇天無私厚一雨萬物滋
朝樹滋膏沐庶草紛萋其
青陽舒景曜谷風扇和熙
遠遊涉猷歲寧不感良時
唯山有奇石唯水有漣漪
吾心諒誰告耿耿徒自知
悠悠世間物邂逅貴有時
後來安劉者往日吹蕭兒
向非附青雲汎沒將何爲
蒼蒼霜雪幹豈無大廈姿
山深少蹊逕匠石慎所遺

古劍匪新器古瑟匪新音
雖無適俗態知己在所尋
充子佩服羨感子淡泊心
蘊匱固有待無悶良可欽

新笋

方池錦萍滿花草被四阿生意一何盛新笋池上多
綠苔已穿透粉籜方包羅銳若毛遂穎森如羽林戈
朝翫夕已高舊竹時復過相期保堅節歲寒心靡他

會同院中

會同古蠻服市邑何蕭條霜臺絕清僻道院無俗囂
芳草滋新茸高柳垂長條石砌滿苔色可以慰逍遙
竹翳涼景蕭顧望白雲迢塵羈豈能繼何用山林招

漱浦雜詠三首

山縣孟冬交草木盡黃落官署何巖巖寒雨灑寒廓
讀書三十年志願常異豁柘府既先登憲節復早擢
蠻荒過三秋征科愧才弱所願採蘭芷聊以比葵藿
深念方在茲無欲自欣樂

展沉異風土十月足霑雨竟日復通宵清響徹烏府
久客厭聞之晏坐默不語經世志未酬讀書心獨苦
往事感中懷良辰復誰許悠悠付深期兀適自容與
漱浦絕小邑昔無名士遊我何秉憲節來此乃淹留
庭前高木落屋背荒山秋公廳靜苔色風雨寒颼颼
離別感時節得無念中州深衷如可致過是非所求

山館

文集卷之二
十六
稅駕日亭午愛此山館清藩籬翳嘉木但聞幽鳥鳴
開門遠翠來白雲望中生便覺臞者肥似有戰勝情
野蔬足充餐作詩紀茲行

渡雙溪

雙溪始合流崖渚遂經復洲潭一鏡平秋影空寒綠
野渡得孤航山家得喬木適意方自茲前呵戒僮僕
撫景重悠然誰能和斯曲

沅州元夜

五溪古荒服連延列邊墉自從啓明運便已變華風
民俗競佳節適與中州同我來一何久三見春燈紅
竊食飽官廩曾無分寸功豈不愧伐檀還應感飛蓬
今夕復何夕列炬當庭中行翳脩竹枝吟對梅花叢
翫此歲寒物舒我天游蹤言歸卽當歸掛席溯江東

贈趙彬

黔中山水奇產物亦秀異丹砂色光岡黃金質精粹
碧春石汰淘永煉土騰萃其他梗楠樟挺特皆偉器
因念上天公造物無私智不應山水靈而獨鍾斯類
揭來客沅州果愜向所意趙子生其間不與凡猥廁
神完骨亦清配得三五秘草從少小卽負遠大志
蠻荒乏師友買書自從事子集聖賢文左右悉堆置

抽覽無停晷一一欲強記晝誦聲聒鄰夜諷響穿市
寒暑忘冷熱饑渴失滋味停蓄才思深馳騁筆鋒利
出語動驚人縉紳悉推避勤苦凡幾年銳氣久仍肆
邇來加歛收精識亦超詣雅欲求本根不獨誇文字
我昔從先人壯遊滿天地邂逅多賢豪殊越各同至
談論隨有得皆是飭跡稚自忝臺閣官遂攬湖襄轡
方懼過不聞深恐德將墜忽於僻遠中得子喜不寐
我欲藉子砭我失任子刺所以愛子心誠實不虛偽
觀彼物恠理時尚亟搜致况賢治之楨尤爲
國上瑞四門方洞開四日方遠視明堂要梁棟法駕
用騏驥子當寧厥需會起摩天翅

題太極圖

大小圈十箇都在一圈上如是究竟言一圈也無象
古詩十二首

爰初闢清濁悠悠千萬年三墳既已失古道茫昧然
神聖既有作人文漸開宣義軒御元極堯虞運中天
粲粲河洛秘密密精一傳太和良有茲玄功竟難言
萬理如何卽寤歎窺遺編

窈然觀化始本自同一初聖者惟其性大道躡皇輿
云何千古後岐路如錙銖西學外形器玄宗暢清虛

滔天勢方漲捧土誠爲愚不有諸老力生民竟爲魚
寄語後來人慎莫迷所趨

行鴻暢遠澤鳴條沛時雨白旄一以麾九鼎奠中土
三后同一功休明諒難伍云何王風頽故宫蒲禾黍
大雅遂寥寥遺音獨婁楚悠哉復悠哉白雲在高阜
水火非無功焦溺亦由此所以玄天機千載莫能理
君子得其操小人迷所止四海豈不遠發軔良自邇
泰山豈不高舉足不踰咫薰風愜民心簞竹蕩人耳
善惡反手間胡不慎其始

七百卜公且萬世則成羸豈不同所願天道有虧盈
岐山麟鳳集函谷虎豹爭趨舍乃如此大運焉得并
蓬萊舟始泛博浪車已驚遂使三秦士不獨驪山坑
已矣勿復言九宇皆炎精

靄靄商山雲招之正徘徊冥鴻一以縱畢弋胡爲哉
寧知羸豕壯躑躅多毒猜沉沉辟穀子爲謀一何乖
向非平勃力炎靈遂如灰獨有周南篇歌之有好懷
山空魍魎出天黑鳴鳥鳴姬轍旣東邁岐路殊縱橫
青牛適西域大鵬抵南溟談天竟何益刺股徒首兵
紛紛險譎輩瑣瑣難具名有若迷方客甘心棘與荆
不有仁義篇何由觀天明

吾意六籍外尚多古人書一朝秦焰烈焚蕩無遺餘
掇拾煨燼者補綴誠區區訛缺固已多盡信寧非愚
獨有群聖心昭哉難翳如多謝宋諸老萬世開迷途
季子多黃金張儀富秦土腐鼠爭饑鷲鹿豕競貪虎
周道久已非王綱如綴縷岩岩養氣翁鳴鳳獨高舉
圓方遍九州周覽無定所天飈激和音雲漢濯文羽
大道今依然捍闔安足數
日月自有明陰陽自有行萬物紛變化人事更衰榮
云胡道術裂曠目談丹經泛海竟茫然樓居亦虛名
自古良若茲擾擾將何營

聖人無曲行大道無邪岐云何周轍東驅車迷所馳
楊朱學仁義莊老尚無爲申韓首法備蘇張倡危機
遂令千載下道術日以支憔悴莫之悅淳朴艱難追
此語匪爲誑書上有其辭

易莫易玄穹簡莫簡坤土聖心本虛明條達無曲阻
如何末學差崎嶇躓榛莽二者祛除之明白可深觀
多謝古老心相將踐斯語

秋日雜詠四首

庭樹生秋風微涼入衾枕久客得無思遠意復誰論
道腴足充餐天和可當飲以茲撥離憂僻好安所稟

大義自古來旋履吾已審

翻翻高荷葉秋雨生微涼豈不懷遠道撫時坐空堂
何以爲我懽簡冊多遺芳古人不可作古道不可忘
茲理將無厭欲語墮渺茫安得忘言子相與頷一觴
亭亭紫玉竹爾節豈不堅托根自有地勿羞桃李顏
桃李固妍好爾節重自保請看君子心浮雲湛秋昊
粲粲黃金花繞砌顏色好豈不重所思焉得致遠道
遠道不可忘感時歷炎涼人心豈此異保爾秋節香

述懷

少小習書史政自賴先德十五慈見背四十嚴永訣

追思鞠育恩俯仰肝腸熱中心恒拳拳每懼有遺失
早忝科第登中廁緝紳列榮耀旣連綿聲名頗烜赫
小子心不然自顧真有缺國恩未酬報孝思久虧
越祇命湖湘間久載憲府筆一往三年餘及歸有華
髮家室寄中原無產給衣食大兒亟假田農作不遺
力次男失學慣游惰無儔匹三子雖孱懦芻牧無休
息昌子疴痴小奔走百不失寒卽索母衣饑則索母
食老妻亦何爲頻年若煎迫上以奉繼姑下以撫兒
婢執爨色焦槁補綴眼昏澁我雖官在朝蓬梗真浪
迹及歸苦告訴數子俱未室生理况蕭條僑寓亦何

益我復對三歎此乃其所恤顧我有王程尚敢懷私
適勉強數日留慷慨一旦出悠悠離蓬茅行行向金
闕路從黃河過舟自衛水發舟中忽有懷所懷何歷
歷吾聞古人言老窮當固節况我筋力强所願豈契
濶誓將篤忠貞予以守清白上隆唐虞治下布雨露
澤祖禰如有神光賁亦行及拜恩省先塋勒石紀世
烈裁桑汾水南廣土中條北旣足紓困頓還可樹遠
業男女各婚嫁親戚共周急此事良可期援筆聊自
釋

墓中歸

習僻已成性於人懶將避日暮墓中歸掩戶親燈
但取書笑樂不顧俗重輕自得復誰語茲道將吾成

一室

奉使三年歸京華營一室一室陋且偏入門唯四壁
豈不憂窶貧所貴稱達人無倉廩儲心有宇宙春
頤馥復頤馥顛冥不知返周道能推輪不在羊腸坂
惟河有天源惟山有崑崙擾擾勿重陳宴坐思探元

題思顏卷

零零雨露滋蕭蕭霜氣寒時物代榮悴君子感所觀
所觀一何苦時運靡終古俛仰天地寬思父復思母

夢昧如見之溫溫金玉安行坐或可觀冉冉霜雪絲
春風若在室機杼倚虛壁咳唾落珠璣琴瑟當窻急
顛倒將無厭而不聞毫纖幽感鬼神泣明被日月霑
所以永言者誠孝不容假勗子勤蓼莪短章代風雅

古詩二首

驪珠出九淵炫晃稀世寶緘藏俟良價賞識待終老
云胡知者稀衆道魚目好君子復何憂溫明但自保
津人善操舟慣捷輕洪洲來濟者誰子濡溺幾不全
顛倒受嗤薄中懷詎能宣請陳經濟畧視彼曠曠

夜樂二首

銀燭一寸光照我千古心事諒誰語秉筆空沉吟
幽懷載草草妙思彌惛惛豈無楊子雲視昔猶視今
滄海豈不大井蛙良自餘至言豈不美俗士恒苦拘
賢哉顏氏子妙領非真愚若人不可即却質將焉如

讀陶詩

靖節一何高理鑿時運表返耕甘苦饑棄世樂枯槁
所以見諸詩淡泊出天造掩卷思其人清風起林杪

示兒

我祖自奚仲奕代河東居家本尚儒素業豈羞寒虛
先君紹前烈奮迹由詩書勤勤教諸子爲善樂有餘

藐孤欽誨言而敢忘斯須憶從向學日爰自非角初
吟哦竟朝昏誦習忘饑飭收歛心自得放佚已不趨
周旋恐失墜日奉庭闈娛立年忝科名嚴訓尤渠渠
進學固無怠卽仕其慎諸承懽曾幾何風木俄悲吁
追慕復何及首疾心更瘡中間趨明詔皇渥彌寰區
祿有不家食官有臺閣若循才覺孱弱索報知幾如
以茲寵若驚自治如菑畬更念汝四子賦質各有殊
當思祖澤長勿貽汝父虞汝父豈可師不有賢聖歟
孝友亟敦勵心性勿填淤匪善人莫交匪義財莫需
止酒戒狂誕窒慾謹湛孺從慾劇墜石放言其奔車
言多必招戾惡積終殞軀人生有定分造化司柄樞
窮達由天然富貴非人且歛跡甚勿競閉戶寡自慮
但使德學充不愧金壁儲達卽思致澤樂卽思賢儒
小子敬所植永久期無逾

新燕

高堂新燕子當畫語喧聒雙雙葺舊巢泥自寥廓
巢成去還來莫負明年約

楚楚者誰子

楚楚者誰子意氣何軼人居若無儔匹獨步莫敢親
姬公雖大聖尤尚吐握勤此道久已非擾擾勿重陳

翩翩誰氏子

翩翩誰氏子鞍馬殊輝光入門佚興發促步登高堂
妖姬列左右哀彈送清觴酌百不憂但願白日長

荅趙彬十首

余知趙君將十年矣近又會於京師惜乎余力不
能振之也雖然君子求其在我者而已川舍遲速
非所汲汲况如君者又豈待振與否能爲之輕重
者哉余近有山東之行君以十詩見况反覆誦翫
益知其所存之不苟但稱許區區者有所愧耳情
不能已輒依來章以荅其意云

美人生南國艷色世所稀明眸一回顧草木生光輝
我行重絕惜便欲携同歸贈以青玉案貢以黃金扉
如何久契濶此念將無違

右荅青青嶺上松

仙山有高梧玄圃足脩竹飄然九苞鳳下覽遂所欲
流音敬天聽文彩綉朝旭泰和良在茲瑞牒光前錄

右荅冀北生騏驎

層雲生岱宗時雨遍東海杏壇宛如昨聖人教猶在
况當時運熙文風盛而藹翹翹士林英無不生光彩
我行亦有爲檇樸詩當采

右荅泰山何岩岩

峩峩憲府臺鬱鬱臺中栢顧我構散姿繆作乘駮客
悠悠今幾年區區竟何益寧知憂窶貧但自保貞白
中復荷寵光分符海東域得觀鄒魯風軼霑詩禮澤
皇仁一以敷菁莪共欣悅猶有江湖心時將戀天闕

右荅屈軼生堯庭

馳車出都門遙遙指齊魯念子不能別對景獨容與
垂楊衰薰風輕塵裊朝雨仰視雲間翼分飛無定所
丈夫方有爲離憂寧足苦願保金玉躬潛俯繼前古

右荅扶桑二初出

鷓鴣在一枝鯨鵬起千里達人足大觀曲士馬足擬
所以君子言觀海難爲水大哉天地間舉目皆至理
努力探化元高歌望吾子

右荅丹砂生楚國

天運行不息君子恒法之乾乾不自己汲汲非所私
仁義存諸身有蓄必有施旣非淺俗觀當負遠大期
吾子安厥需彙進寧非宜

右荅日月易流邁

丹山有文羽和鳴向青霄滄溟有潛鱗一夕搏扶搖
如何賢達士甘心向漁樵諒懷肥遯志恐負山林朝

文集卷之二
休明盛夔契于焉共逍遙

右荅珊瑚生海底

吾觀天地大萬物同一源如何末學差坐此枝葉繁
鉛華滅素質雕蟲失本根憶昔南遊日得子同晤言
圖畫發幽秘身心契真元邈哉追前脩此道期其敦
右荅大道久不講

古來賢哲士用舍皆無心所以窮達間一節良可欽
趙子不浪出客居時光臨矢心永無歎感子金玉音
右荅古人重出處

文清公薛先生文集卷之一

文清公薛先生文集卷之二

門人關西張鼎校正編輯

古詩
歌

穆陵關夜雨

暝色來遠谷清風動華燭山樓雨聲寒羅帷人獨宿

山行二首

山鳥有清音山花有異香但得山間趣寧辭山路長

又

荒岡斷復連風葉散還集霜落秋澗清烟橫晚岫碧

作息吟

文集卷之二
向晚群動息向曉羣動作群動作息間乃是先天學
東平行臺有竹翳於惡木荒草命僕芟治嘉植
乃遂詩以紀之

生平若愛竹義若君子交茲軒忽見之儼頃漆在膠
振衣步其下周覽增鬱陶惡木一何多蔓草一何饒
翳此破苔笋撓彼凌雲梢命僕恣剪伐得辭斤斧勞
除惡貴絕本蘊崇及溝壕荒穢既了了涼風亦蕭蕭
修莖遂生植嘉蔭愜遊邀作詩紀顛末庶爲同心謠

穆陵關

危哉穆陵關高出衆山頂地勢愈覺寬天宇相迴迴
林木何蕭森首夏風色冷山樓試一登眺覽恣遐騁
沂岱環西陰淮海接南嶺齊州走北川扶桑控東影
道里會一門山川挈要領緬思千古前豪伯互吞并
齊履空復然秦蚕已侵境干戈被長蠶生民困魚鼎
于今天道旋四夷守安靜山行晝落然水宿夜無警
顧我觀風人符節得屢秉作詩紀茲行傳與山將永

蘭陵懷古

早發知子國午至蘭陵邑蘭陵久已荒禾黍帶荆棘
惟有古寺存逕入林影密老僧知我來出門遠候立
下馬問往事爲我指遺跡蒼茫古城東墓有荀卿石

我欲往尋之還爲野水隔憶昔周室早蠻荆凌上國
茲邑乃其疆人物殊烜赫寂寞千載餘浮雲空古色
如何當日賢重有逃諛責只今文字存尚爲人指摘
鞭馬舍之去極目遠天碧

敬吟

人惟肖天地亦具天地性性無物不存存性惟一敬
心敬體不偏情敬發必中頭敬形端直鼻敬氣肅靜
目敬無邪視耳敬無妄聽口敬不妄言身敬不妄動
手敬容必恭足敬容必重瞬息敬存身早作敬致用
致用在天倫天倫敬斯定夫敬必先義婦敬必從令

子敬孝必隆父敬恩必盛臣敬百職脩君敬萬邦靖
兄敬篤其愛弟敬謹其行朋友以敬交然諾必重應
敬則倫理明不敬百行病仰惟古聖人一敬更相命
堯欽帝之宗舜恭明兩並祇台念禹德日躋有湯聖
文王安敬止武王勉敬勝篤敬傳孔業敬德著周政
敬惟群聖樞大訓迭輝暎下逮河洛儒紹統開迷逕
整肅嚴隄防主一謹操柄惺惺不昏昧收斂無餘剩
用力在斯須百體孰敢橫聖途漸可登聖言良可證
一敬苟不存萬欲皆奔縱身心墜卑污綱常滅天正
禽獸將同歸人類孰與其噫嘻敬怠間狂聖越天阱

法言述聖謨匪曰小子佞

送楊叅議三首

白露下將夕天宇生涼風之子有所適告別何匆匆
群公盡祖送飛蓋凌長空停驂樂水曲列宴歷亭中
秋容澹觴酌高風急絲桐酒盡嚴將發班馬何玲瓏
行當釋塵鞅還應掛飛蓬大江轉吳楚重山入天叢
錦城有佳色浣溪有遺踪訪古遂舒嘯觀風足從容
坐令全蜀俗鮮與劬會同茲遊豈云易兩情若爲通
翹首遲歸鴈應是春花紅

右分韻得紅字

林木生涼颺臯蘭被清露念子三川行正值九秋暮
天空一鴈翔江遠孤舟鶩句宣有佳興載詠茸棠句

右分韻得露字

岷江瀉東溟岷山倚西極江山古名秀楊君將此適
秋風送征帆夜火明水驛相憶瑤華音看取東飛翼

右分韻得驛字

友鶴軒

九臯阻且深潔自有佳鳥中霄忽長鳴清響徹四表
開軒一聽之衆理悉明了蜂蛤藏洪淵秀氣浮浩漭
良璞在崑岡清輝散岩幪雅興與茲同至德潛且皎

溫溫聖者懷大道思遠紹友鶴名華軒存誠絕外擾
水積成川流木壅盛顛杪功深效豈微響大聲不小
慙非風雅才作詩心自慄

冬夜懷魏希文

希文名純山東萊州府高密人時謫戍玉田

冬夜氣何厲冰雪輝前楹單居不能寐懷我舊友生
行雲去不息賓鴻各時征兩情曠難合欲語誰當聽
惟有寒月光見子心宇清展轉遂至旦遠思徒營營
余旣作此詩至來年三月間有党厚本者關中士
人也先任教職又爲縣令後謫戎伍間復膺薦授
荆門州幕職道過榮邑竟先與余有故因復問之

始知吾友希文亦以薦至京師未及試用而死矣
及考其死之冬適余作詩時也嗚呼希文純古君
子將謂其不終老於草萊也而乃竟止於斯豈非
命與且余作詩時適與其卒時又相先後亦豈非
平昔交遊之深默有所感歟嗚呼已矣時宣德二
年春三月河東薛瑄識

答仰宗岱寺丞見貽韻

念子青雲器早涉青雲路行行捧德音瞻言省民務
風俗廣咨詢幽隱亟告訴來爲人所悅去爲人所慕
皇澤一以敷郡國足膏澍况復崇文儒士林喜披

霧心涵玉壺冰氣裊金莖露懷哉 明盛時展矣風
雲過而我同官良惟子荷與顧通籍來旬宣各自植
嘉譽獨有蘭臭言祇以同心故還膺篤忠良更此寫
中素何當展良覲相期在秋暮

題陳希夷圖

三峯亦何峻白雲亦何多中有高世士冥栖掩松蘿
石泉漱寒玉好鳥聞清歌歌長一披拂紅紫爭紛羅
山隔五季塵年頽萬里波豈無經濟策肥遯矢靡他
威鳳不浪集冥鴻難重過清心探化機曠日養天和
真息深在踵利貞靜不訛只疑龍蛇蟄不管歲月梭

我欲昇玉井濯手攀嵯峨扣關起公語妙理應如何
欲去還自休馬圖今在河

永慕堂爲楊大參賦

大化運不息逝水無停時依依舊居室惻愴中腸悲
書殘讀遺編機有餘斷絲斑衣不再舞壽觴寧重持
庭前百卉芳但覺陰陽移儀容切寤寐恍惚如見之
親心我所安親志我所期心志著且存大節矢靡虧
悠哉孝子情竈此終天思

遊禹門禹廟在焉

春澤周四野閑情樂時和出郊縱逸興緬懷佳山河

禹門忽在望峭壁雲嵯峨石磴接飛棧危樓架洪波
空山響絲竹虛堂進舞歌父老誠苦心旨酒神所呵
由來非一朝吾意其如何

河汾五賢詠五首

卜子夏

浩浩西河流遙遙東魯山山河遠相隔千里獨遊還
升堂奧可入豈日文辭觀相從陳蔡厄松栢和未蹇
索居晚歸來侯國師其盤去之幾千載高風灑塵寰
瞻望不可及青雲映西關

段干木

冥鴻不受弋神龍不可羈所以高世士孤情薄雲霓
矯矯段干木志節一何竒珪組豈其願軒冕不吾希
踰垣猶弗見况乃趨走之豈徒侯國尊凜爲百世師

文中子

古人不可見古俗寧復淳依依萬春鄉踈屬連清汾
良時曠莫與鳴鳥寂不聞悠悠禮樂志終與麋鹿群
頽波逝東極寒雲滿西津惜哉經世言淆雜多蕪榛
時無伊川子此意將誰論

太史公

愛有所見忌忠有所見疑古來非一朝人道每如茲

悠悠太史公言論適有期謂必情可白寧知事參差
奇文雖自解騷騷諒難追巷伯彼何人千載存其詩
東臯子
人仕爲其名子仕獨爲酒一斗衆所稱五斗吾自取
猶嫌酒未足棄官歸隴畝葛巾耕東臯烟雨牛一耦
種黍學陶翁自釀還給口沉飲得真味萬事亦何有
清風千載餘誰復尚能友

古詩

天地常不沒山河鎮如斯惟有人與物代謝無停時
因過咸秦境周覽生悲思渭水自縈帶南山亦參差
茲惟帝王宅自古稱雄奇當時宮闕壯摩霄切雲霓
千門與萬戶珠簾錦綉帷一朝時事去掃地無復遺
城市盡爲墟麥秀草離離亦有英雄輩干戈互相持
慷慨爭土疆終老志不衰只今但丘塚名姓寧可知
京都足妖冶高門富姜姬綽約姑射仙鬢髮冰雪肌
只今化爲土况乃粉黛施休明盛文物旂常畫蛇龜
千乘及萬騎雜遘相追隨將相立軒冕聲樂奏英池
繁華有萬端一去不可追俯仰千古事有若夢幻爲
往者旣已然將來復如之寄語執迷子當以理自推

浩歎

浩歎復浩歎寧知親眼見相彼夫雨雪必有先集霰
蟻穴不知防鯨波今汗漫君子慮兢危小人尚欺誕
已矣無與言歸去咩吾咩

瀘川古意

三蜀古名郡瀘川古名州我來值殘暑偶此數日留
新秋忽改節涼風漸颼颼道遙散前除仰視天宇周
征鳥去不息白雲亦悠悠佳人渺何許重林蔽層丘
秋日復西邁大江自東流良辰不我與古道曠莫酬
願聞瑤華音行矣旋吾輶

五盤山

五盤何艱哉石磴繞山腹詰屈入雲霞回互下崖谷
嗟彼遠道人陟降勞筋骨跋馬登層巔悠然注遠目
惟見山色高似覺地勢促蜀道古艱險茲險申西蜀
憶我去春來山山正芬馥今夏喜北歸四月暑未燠
茲山得再過頗快登覽欲前驛望黃壩蒼蒼但雲木

登金牛驛樓

好山四巖窈漢水前縈繞小樓試一登山水青未了
因思大禹時洪流方浩渺乃竭胼胝勞神功彌八表
岷山在經紀岷江亦疏導貢賦分九州梁州已通道
世傳金牛誕曾不細搜討山驛賦短章將爲愚者曉

七盤道中

曉度七盤山北行道彌惡峭壁根虛無危棧架飛閣
飄飄風吹衣漠漠雲漲壑下有黑龍江亂石何磊落
急瀨轉雷輟奔湍散流沫洄潭更陰沉俯視誠可愕
茲路屬再來卽事情已昨艱險難具論惟與存顛末

褒斜道中

褒斜一何長深谷自迤邐雲木青無邊群峯各峻峙
鳥道緣崖巔危棧架江溪冥冥叶子規泱泱響溪水
累日山峽中陟降亦勞只古來蜀道難此道難莫俛
自我入蜀門今已一年矣旣乏督辦能兼負素餐恥

而况鬢髮蒼胡寧不知止上章乞解綬詔許憾不已
雖云此谷險且遂北歸喜行色宣柔毫展冊傳孫子
遠道

遠道復遠道驅馳何草草及歸已踰年白髮添不少
入門悼先亾痛哭傷懷抱子婦共號咷百感相煎爨
拭淚問里閭嘆逝驚莫保衰殺誰使然矯首問蒼昊
從此甘息機田野安吾老

孟城驛雪中詠竹

高沙有候館闌檻殊幽清檻內足凡水凋萎不可名
獨彼凌雲竹鬱有冒雪青飄蕭散寒葉脩直搖蒼莖

靈籟奏青響，銷若金石鳴。晴霄吐華月，流影亂虛明。
賞翫竟朝夕，似當西南朋。乃知歲寒操，匪獨松栢貞。
矢心又不如，愧我爲物靈。

徐川洪

亂石何巉岩，長堤更宛轉。狹岸忽陡起，急瀨如注坂。
回旋聚流沫，駭浪灑雪霰。舟行良已難，下上勞棹挽。
翻思遊川峽，江石尤險遠。瞿塘十二灘，波浪激雷電。
迴視過茲洪，反若歷平坦。乃知所觀大小者，不掛眼。

淮南謳

淮土何漫漫，淮水自悠悠。小山去已久，桂樹遺岩幽。
昔有學仙子，意欲仍丹丘。秋石旣烹煉，鴻寶亦藏收。
雞犬竟莫聞，行雲去難留。寧慮時事異，翻結千古愁。
舞榭荆棘生，歌臺麋鹿遊。信知希世事，伊豈望外求。
揖讓有堯舜，高風想巢由。此道久已非，聽我淮南謳。

高郵水泮發舟

晚泊高郵城，雨雪竟連日。念彼役人勞，寓此孟城驛。
扁舟候晴發，河水復鱗積。因之累宿留，令我心悵悵。
忽報寒沍解，喜泛春流碧。直過大江東，此地成追憶。

冰解舟發

春水渙然釋，春流復溶溶。解纜孟城驛，百尺牽東風。

連翩大舸來，峩峩掛飛篷。登臚恣春覽，烟華正濛濛。
澤國曠無際，重湖渺難窮。漸覺高郵北，行及廣陵東。
所過足清眺，舟人莫怱怱。

出自城北門

出自城北門，周覽快心目。峩峩鍾阜青，漫漫平湖綠。
木依長堤茂，樹隱芳洲曲。縹緲天際樓，高下林間屋。
遙遙江上山，連連遠岫出。江山自雄奇，帝里在經
復佳麗，從古然嘉氣。方慈鬱官署，何巖巖刻學而
麓偶茲吏，隱兼頗遂蕭。散欲超哉復，超哉白雲自
逐

晚翠亭爲張司徒作

花木何紛然，各競芳菲時。一夕下霜霰，憔悴無故姿。
巖巖司徒府，後圃殊遲迤。而於歲寒日，挺此萬竹枝。
群芳盡搖落，茲物獨見奇。密葉既不凋，勁節亦不移。
一逕入深處，橫橋夾清池。池亭畫虛敞，晏坐生寒飈。
清影落四簷，靜與秀色宜。適契君子節，貞固老不衰。
爲取亭中琴，絃我晚翠詩。

澹菴卷爲謝侍郎乃兄題

閩山何岩峩，閩水亦清泚。中有肥遁人，雅志丘壑美。
山田入雲耕，結屋傍流水。耕稼有餘閑，琴書時復理。

寄興槁梧中游心竹素裏庭戶無翬塵外物絕珍綺
蔬食足充餐絺布良適體朋來無雜言談道而已矣
至樂既無假浮榮焉足擬所以忘歲年足不至州里
白雲在高丘鳴鶴在中泚安得躡輕風一訪澹菴子

擬古四十一首

天地形之大陰陽氣之尊伊誰知此物來自無極門
清濁既莫離動靜互爲根大化去不息至理亦長存
彼哉虛寂子已矣無復論

悠悠復悠悠水中有行舟四序無滄畧代謝不可留
春鳥寂無聲寒蟬號素秋落葉滿阡陌白雲巖岩幽
去去莫復道潁陽有遺老

庭前桂花發清香散涼颺采采黃金英傾筐方自持
思欲贈遠人風波阻長岐望望不可及馨潔空自奇
吾思古聖心迥出八紘表天理爲之大人世爲之小
堯虞禹相授杯水拱揖了終古駭其事未足稱達道
四時一何神變化不可測陰陽既交代星辰遞羅列
孰其主宰之終古不差忒聖人秉明靈動息有真則
吾慕魯中叟矢心以學易

端若憶遠遊路經首陽山山有二賢祠青松蔭重關
斯人難再得守餓心獨安清風激頽俗高義越人寰

去之幾千載可慕不可攀

騶虞獸之瑞麒麟獸之仁物性尚不殺而况形爲人
夫何周轍東王道久已湮孫吳騁狙詐申商號無忌
流毒劇洪水遺黎苦漂淪強羸滅諸國三戶亾咸秦
天道信反覆永爲來世陳

聖治奠九有禹跡亦茫茫王澤旣饒洽爨倫復昭彰
以茲熙皞世舉俗躋樂康胡爲古道非極意開邊荒
征行苦鋒鏑飛輓失耕桑民生旣騷屑天和亦乖傷
廣土竟何益不救危亾茲事已千載雄豪有秦皇
荆山有美璞巴蜀多名材此物信爲奇攻治亦難哉

匠石得其良寶就成層臺胡爲用匪人坐此斲削乘
旣自玉之玷還爲目之災而况上天工理代必汝譖
鍊覆良可慮棟撓諒難陪所以虞周聖登庸必賢材
湖邊多楊柳山上多松栢松栢存正性不改青青色
楊柳易爲春隨風發枝節二月絲垂金三月絮飛雪
紛紛皆遊子賞翫不知歛松栢寂無言枝輪獨挺特
空以木自奇不爲時所悅請看霜霰餘榮悴居然別
時來行堤上春氣薰人心宛轉湖山曲隱映花樹林
芊綿草抽綠蒙茸柳垂金鳴鳥何間關纖鱗或浮沉
生物方總總大化亦駸駸當時浴沂者樂意不可尋

混沌鴻濛中伊誰作主尸
洪河出龍馬清洛浮神龜
有文絜以別實惟天所爲
悟彼陰與陽契此偶將奇
大聖發深智運意畫兩儀
生生之謁易變化無崖涯
宇宙豈云大彌綸靡有遺
如何千載餘圖象闕莫知
卓哉弄丸子探源遡希夷
從茲識姬孔還應見伏羲
伊闕有遺編學易真吾師

又

灼灼春庭樹開花漸離披
因思唐虞世日方亭午時
大禹亦神聖兢兢爲保持
如何百代下此道久已衰
豐亨王格之請看大易辭

水腐虫蠹出氣乖肫贅生
睪靈一薄蝕陰曠鬱然興
道術裂周季縱橫亂秦嬴
青牛旣夙駕白馬亦時征
汜濫自滄滴熒赫兆星星
多謝宋諸老萬古開昏真
如何陽光發尚自熾火明
寄語行人勿迷棘與荆
萋萋湖邊草榮榮山上花
山中有高士探化心靡他
天地自橐籥萬物從交加
深居不窺牖四海皆森羅
我欲見其人捫蘿陟山阿
山阿忽回合冥蒙起煙霞
至道誰復語柰此高士何

太虛浩無際何所立天堂
坤厚大氣舉地獄置何方
此理亦昭哉妄見胡真茫
萬世爲之惑福果僥難量

高標拔地起飛宇就天翔搏刻土木梗鏹劑金銀粧
人力爲殫竭財物亦耗傷旣自息吹乖馬得寒暑常
茲事自前季涵天勢彌張反經如可作興言討彼狂
圓象無停運大化不可留征車旣西邁行舟復東流
轍跡苦相背兩羨焉得有青松生澗底白日麗高丘
餘光不迴照真榦空蕭颯去去莫復道零露滿春草
五陵多俠客三輔足貴豪園池占佳勝高第干雲霄
不惜千金重雅意一日遨綺筵饌水陸清歌間笙匏
酒醕視天地泰山一鴻毛中情旣昏惑外體亦勞焦
誰似林居子神理恒超超

在陰鶴相應遷喬鳥當歌琴書滿瑤席良朋亦已多
各愛芳菲時共惜光陰過齋心何所求所求保太和
壯年不努力柰此老大何

白雲在高丘綠蘿在深谷中有冥樓士雲蘿蔽茅屋
獨抱尙友情緬遂碩人輔古琴時復彈古書還更讀
逍遙無外事俯仰長自足沮溺耕在野姜叟釣渭曲
伊人豈無心恥銜荆山玉將頌鳳來儀朝陽滿梧竹
庭前雙榴樹葉密枝相交時當四五月吐花紅夭夭
人愛花爛熳我愛花始苞堯夫有妙識造化滿卽消
情知酩酊醉遂見離披凋所以大聖人持盈不恣勞

吾今老學易看花遂成誦

虞帝尚欽恤大禹泣罪人所以聖者心天地同一仁
周政失其御侯章僭無倫芻靈旣莫施作備亦不聞
秦穆一朝逝殉以三良身臨穴殊慄慄仰天亦悲辛
古猶惜纍辜如何殺俊民王誅一以失流毒蕩無垠
驪山錮重泉銀海通幽津遂使三秦衆半作地下塵
天道本好還羸族亦沉淪因歌黃鳥詩重爲仁者陳
迴觀自古來黃金世所急耶鳩幾萬斤梁苑億千鎰
貪求刻人骨堆積盈家室寧知造化權隨時有消息
人無長盛年物無不散日金穴竟荒虛金谷亦空窵

發塚尚有儒胠篋豈無力長見聚金人終爲大盜積
往者旣悠悠來者方役役昔哉莊生言獨無郢中質
蒿萊不招鳳梧桐不栖鷄物故各有趣高卑焉可齊
伯夷居東海呂望釣磻溪峩峩太行顛蒼蔚方朝躋
陽光燭四表發軔岐山西二老旣云往婦子爭扶攜
固知賢聖人去就關崇卑試聽紫芝歌坐見羸道隳
王良稱善御時方尚詭遇季子洛陽歸張儀關中去
佩印誇鄉里驅車塞道路說合縱與橫而取貴將富
孟軻陳王道反爲迂濶誤已哉無復言遠矣哲王寤
驪珠不易探至理不易論端木稱達者性道猶弗聞

五十知天命玄聖有遺言區區事末學役役勞其身
葩藻滅素質聲利迷心源有若亾羊客祇見岐路分
何當息真升來復求其根

孤桐生龍門繁絲出東國相合爲素琴不離君子側
清彈何悠揚遺音爲發越中涵千古心養彼至人德
云胡變新聲絲竹半夷狄繁響難具論哇淫日淪惑
舉俗逐時好誰能稱在昔萬事亦復然不獨琴與瑟
吾思一氣大渾渾無邊方天機自流轉隨至互低昂
寒暑旣代序日月亦運行庶物勃然出清虛各有常
萬化定厥基終古爲維綱大哉庖羲聖有畫象以章

易道諒斯在請看陰與陽

吾思涑水翁志節一何高褰裳辭宥密視若秋瀟毛
古人不可作流俗正滔滔色過衰哇病意甚乞蟠勞
趨走信機巧苟得還驕豪閒詠青蠅詩載翫碩鼠交
吾思魯公儀拔葵去織婦傅翼兩其足實惟天道故
云胡世君子太得兼小務生殖廣田園販鬻罔泉布
牙籌旣自執龍斷復登顧彼哉何足言義利各有悟
蜩鳩笑大鵬夏虫疑寒水語之斯道大心識何蒙冥
屬文篋笥滿讀書棟宇盈徒勞一生力了無寸見明
誰言點也狂鼓瑟有深情

月盈乃生魄陰極陽復來損餘補不足天道良昭哉
淳朴日灑散斯理亦何乖既剝猶未已豐亨尚增培
君子過佚樂小人窮之災所願均厥施九域登春臺
萬鍾固知富於性無加增千駟雖云衆難爲身重輕
達人抱大觀不以外物嬰夷齊首陽餓伊摯莘野耕
清風激千古賢聖留其名邈哉務光讓卹矣蝸角爭
繩營徒爲爾鴻飛自冥冥

請山何岌岌白雲自超超雲山日在望開門兩相高
旣喜山靜止還愛雲飄飄秀色可攬結吾其陟山椒
天氣浩無涯厚地大氣舉形氣自依附人物乃中廢
剛柔生變化陰陽行寒暑自古謂之然滿虛寧可數
吾思弄丸翁深情契斯語

丹轂旣云飾翠蓋亦時張駟馬復在馭鸞和自鳴鏘
執綏者誰子升車氣揚揚迴旋逐水曲馳騁登周行
行人爲之辟誰不羨輝光胡貺覆餗誚而置卻鼎章
輪輿雖云美致寇安可量所以大易辭負乘著厥祥
洪荒日已遠文籍日以繁華僞滅真實汗漫迷本源
左氏已浮誇戰國皆詐言班馬揚其波蔚宗助其瀾
繼者如蝟毛美惡愛憎間諒非董狐筆盡信誠爲難
誰哉法宣聖大典垂不刊

文集卷之三
人生苦不足得隴更望蜀祖龍泛海行劉郎祀竈術
仙事俱茫茫百年竟飄忽汲汲復營營何時滿所欲
吾慕首陽翁清風在山谷

庭樹微飄落涼氣始披拂却憶少年時泛舟湖湘曲
秋風起波瀾寒霜下林麓日出江上楓霧隱楚岸竹
蘭芷亦蕭條菱荷不秋馥靈均舊遊處騷思方滿目
忽忽三十年涼意復相觸九歌有遺辭得意在雲谷
庭竹生涼颺明月從東上候重草根鳴夜靜聲愈響
逍遙步階除悠然起遐想三皇五帝時淳朴竟焉往
王風降黍離禮樂委榛莽屢復千載間夷霸雜相長

是非垂不泯勝負在俯仰令人意難平撥置聊自廣
人巧千萬端莫逃造化巧三王行仁義子孫永相保
綿歷百千載順理得終考嬴隋南北朝竊國騁暴狡
社稷旋荒墟苗裔悉剪剝天巧必勝人人巧何足道

出金陵

金陵宿雨霽杲杲秋日明繆承 北闕召促裝出西
城追隨冠蓋集酌別臨江亭徘徊不能別去住難爲
情掛席曉風發解纜早潮生抗手謝送者令人意難
平所願各努力令德崇端貞

江行三首

石城上朝旭宿霧漸已收大江何茫茫柔櫓泛中流
鍾阜猶在望白雲散岩幽兩載寧無情湖山憶同遊
佳勝邈難卽迴想空悠悠

順流駕長風掛蓆何快哉青山若相送兩岸猶崔嵬
恩召信光渥報稱知非才貞白有君子寧不動中懷
我舟旣云邁長風起層波天水共渺茫雲岫紛嵒峩
石城猶在望赤岸還經過遠堤秋樹小水國蒹葭多
老遂金陵遊柰此佳麗何北歸已陳跡江行遂成歌

過儀真

惄惄過儀真來往已三度茲行復祇召嚴程還北去
湖田收晚禾長堤落秋樹已遠金陵山漸近廣陵踏
乘月宜舟行牽者且莫住

夜泊廣陵

夜到廣陵城已是三更後官舡少停泊驛吏勞奔走
風清月色明河漢粲星斗行思方搖搖懷古復何有

高郵

又見高郵城連延傍湖水水上紅繹樓登眺憶往歲
昔逢春雪飛今值秋風起歲華與人事廻換理如此
中貞諒自保期不愧行止

高郵湖

去年冒春雪揚帆過高郵今歲屬秋暮長風送我舟
湖心射日氣駭浪蹴天浮觀象卦有渙悟易情悠悠

淮陽懷古

淮陽古名郡卧治有昔賢禁闔不可留遺想增慨然
顧我豈其儔寵擢何連連本乏實德稱重爲虛名牽
撫心益自愧懷人遂成篇

雨中渡淮

風雨渡長淮波浪何冥茫兩儀混不分恍若窺洪荒
舟人貪利涉片席就空翔翩翩入煙霧隨風任低昂
北岸泊水驛暮雨益淋浪且喜對官燭粲爛竟夕光

清河晚晴

向夕起長風秋雲靜天宇清波流月光白露下寒渚
榜人喜晴鬻理楫夜相語早發過鍾吾漫漫見徐土

夜上呂梁洪

水村夜寥寥秋月流空白牽舟上呂梁逆浪湧寒雪
愧彼後夫勞當此灘水濫憶我四方違江湖飽涉越
祇召復茲行息重知才劣矢心復何如長洪石如鐵

過徐州

去年春正月南泛彭城舟今歲值秋暮北上遡長流
蹤跡信往復景物愜觀遊風寒堤柳落波減岸石稠

白見高城堞蒼出遠山丘何處獻馬臺彷彿燕子樓
化遷無停軌事往不可求陳跡竟泯泯虛名但悠悠
覽今亦懷昔發聲遂成謔

送歐陽憲副

凜凜谷中風亭亭山上秋風聲亦何勁松自無改容
競秀固妍好弱植徒豐茸獨於霜雪餘卓然見高蹤
悠悠四十年所遇多尚同歐陽信佳士一節抱始終
蒼蒼歲寒質展可爲國庸適來述所職歸思何怱怱
載歌君子篇德期皓首崇

雜詩三首

洪荒一何遙悠悠幾萬載古跡竟茫然古道復安在
巍巍唐帝尊放勳薄四海文明啓中天倫典粲而藹
魯叟刪述勞于茲立聖軌寥落但陳編撫事增歎慨
孰云天地大形勢兩睽絕一氣周流之神理宥昭格
雍雍虞庭臣穆穆賢聖德大和良在茲疇咨方未歇
所以祥鳳儀不獨大樂闋如何此道非千古空遺跡
山龍匪舜樂卑菲真禹心大哉虞夏聖憂民同一深
旣服四載勞還彈五絃琴九功亦時敘勅天尚遺育
如何精一傳載往不可尋獨有簡冊光留照猶至今

西溪魚躍爲樂安楊貢侍御題

西溪渺何許乃在楊林阿楊林古名族樂安世其家
家住溪水曲林木相交加地僻網罟絕溪邃遊魚多
泚泚聚弱藻洋洋戲新荷逆水微波生仰沫細雨斜
跳躍自有適出沒靜不譁楊族有名士考業咀英華
愛此魚性樂契彼道味嘉乃知天機妙萬象皆森羅
却鄙中散慢寧效濠梁誇緬懷早麓詩載賦西溪歌
永言繼真躅勝景垂無涯

龍江曉望

兩岸青山隱隱一江白浪茫茫烟樹高低城郭風帆
遠近舟航

遣悶二首

客中鬱鬱不自得忽思古人讀古書古書古人亦如
此吾懷不放將何如
少時都不解憂喜壯年百慮攪我心我心默默爾誰
說呼酒只對東風斟

臨清曲

臨清人家枕閘河臨清賈客何其多停舟落落無可
語呼酒只對長竿歌

題墨牛二首

青松落陰石苔上雨餘百草芊綿長老叟牧牛牛性

馴牛背讀書興蕭爽書中之味深且長高睨盤古窺
皇唐日暮驅牛下山去風清月白天茫茫
綠楊芳草被平坡老人騎牛行且歌歌長扣角角欲
碎悠悠古意何其多布褐涼風生兩肘幾度歸來月
明後夜深遺響入青雲應有知音與携手

蚕婦吟

采葉者誰婦蓬首面不洗年年絲作人家衣短布裙
穿不揜體綺羅不是養蚕人三復斯言情不已

偶題

磊磊落落寒胸臆推蕩始覺心和平丈夫志量包宇
宙細故那得風波生

憶繡榮二孫

繡孫猶未識阿翁翁在山東一馬驄近別榮孫春又
夏相應學語問阿翁

歌

贈劉余憲

古磬不諧人之耳古瑟不合人之心茫茫天地亦大
矣人生豈謂無知奇陽春白雪聽者寡巴人下里和
如林退之奇崛篇子美爛熳吟謫仙逸氣隘六合一
字價抵千兩金神遊八極不可見獨留文字幾千卷

江河萬古行地中飲者杯勺各滿願我生其後欲追
逐蹇若跛驚趨紫燕良馬東西南北流覽多公取古
詞各衿衒邇來忽遇劉虛菴胸中元氣何潭潭沉酣
百子索幽恠模鎔萬象窮川嵐興來落筆亦何咤一
日千里馳風帆又若秋滇露毫未明珠大貝相錯參
始悟古人今可學嗟我見晚生覩慙虛菴虛菴真奇
士磊落聲名固應爾相逢一山伯牙琴高山峩峩水
清泚

茅屋漏

辛丑進士河汾客早向中州買居宅宅有茅屋八九

間補葺聊以蔽床席進士所好惟詩書衣食取足無
剩餘朝朝暮暮誦周孔行行坐坐歌唐虞以茲狂僻
誤生理老屋支撐幾星紀前月大風摧茅去今月久
雨漏不已移床徙榻那得乾堆書捲被空長嘆文章
不足補穿漏翻爲兒女生覩顏豪家大屋足懽咲已
覺紕袴輕儒冠却憶唐朝老工部西蜀草堂幾風雨
亦有官居鼎鼐尊欲起樓臺無處所昔賢窮達還復
然我何慍此霑濕苦且待天晴飽讀書此屋渠渠不
須數

太行歌送丁分教之襄陵

太行之山何崔嵬，鐵崖翠壁萬仞中。天開其勢北來，
吾不知其幾萬里。但見橫亘遼瀋，包括秦晉，斗起中
原之地，何壯哉！往年吾嘗陟其頂，四顧山如培塿，樹
如苔，黃河一線遙遙下，砥石奔流直到東海，不復迴。
此時英風浩然，洒六合，便欲歷覽天上金銀臺。其中
羊腸九折走峻坂，摧輪怪石，礧礧磊落而成堆。太行
之高且險也如此，子今遠行，令人興難裁。倘到昔所
登覽，竄高處爲我歌。此一山，還徘徊，西望襄陵迢迢，
祇幾驛。驅車徑須往，渡清汾，隈願子居易畏險慎厥
守，始終永保令譽，慰我相思懷。

永和雙山歌

永和四境千萬山，雙山之勢尤嶺岫。兩峯對峙若天
闕，中有一境通人寰。南峯突兀半空裏，連岫峨峨方
並起。蒼松古木何蕭森，朔風搜攪鳴不已。北峯形狀
尤奇瑰，怪石刻鏤樓與臺。上有雲屏立，霄漢隔礙星
斗迴。風雷我來登覽值，冬暮攀緣石磴到。高處滄瀛
碣石覺東傾，弱水崑崙在西顧。俯瞰纍纍岡阜多，巨
壑無底如盤渦。遠近幽深杳難測，寒雲冷霧紛盪摩。
因思未闢天與地，瀕洞無涯惟水氣。輕陽一隙漸飄
浮，大塊無邊遂凝滯。波濤蕩漾成高低，剛爲金石柔

土泥此山想得陽之極層巒削出天之西獨恨古來
壯遊者足跡不到茲山下遂令奇絕委幽窮無由題
品繼風雅我才雖非作者流愛此欲去還夷猶摩挲
石壁寫長句千古當與山同留

鳳凰臺歌次虛菴韻

吾聞鳳鳥不與凡禽棲隆周之時曾集豐鎬西鉞然
一鳴向人世喧啾百鳥不敢爭與啼昔有名區黃霸
生漢世治民之才迥與時流異潁川出守曾幾何休
風數感靈禽至靈禽文彩明山川和音噦噦聞中天
遂築高臺表神異臺空鳳去餘千年只今壞埒纔數
尺野鳥紛紛競來策簡冊空存紀瑞年荆榛不復快
觀迹我來跋馬登高丘荒臺已遠猶回頭爲憶循良
心耿耿緬懷瑞物情悠悠鳳臺鳳臺重披訪往事何
須空快悵方今

聖明治理登俊良會見一朝飛去青雲上

舟中苦熱

大江千里流炎日暑氣波光互蒸濕火雲壓風空不
來舟中苦熱何太劇坐睡昏昏汗雨流對食欲餐還
復休扣舷直欲發狂叫安得少昊回清秋安得少昊
回清秋一洗煩熱情悠悠

洞庭湖歌

吾觀庖犧龍馬圖五行惟水居其初自從清濁奠高
下山澤通氣無時無荆南之水亦衆矣壯觀惟有巴
陵湖世俗相傳八百里足跡未到空躊躇今秋持節
來南楚舟泊岳陽訪奇古登樓始得肆遐觀萬頃洪
濤際天宇如從東岱窺滄瀛一點仙山隔烟雨長風
歛起層霄開溟渤洶洶增狂瀾轟天揭地急雷鼓排
空炫日堆銀山湏臾風止波濤定涵泳虛空開玉鏡
金鳥飲淵千丈紅白鷗落影一行動行客喜甚無氛
埃連翩大舸爭往來我亦飄然下樓去放舟中流何

快哉蜀江西來半天瀉瀟湘南接蒼梧野一劔橫空
有所之丈夫不作悠悠者洞庭洞庭七澤雄鄒魯昔
有觀瀾翁我今賦此良不苟乃知有本無終窮

沅州春日歌

南州二月春來早綠水青山四縈繞城中何處足春
光御史臺中富花尊廳外青梅結子稀門墻桃李爭
晴輝暎日紅綃正縷縷漫空白雪何霏霏芍藥錦苞
猶未啓蘭蓀露葉光泥泥楊柳風搓碧玉絲芭蕉葉
吐青鸞尾苔茵展地萱草長千紅萬紫遙相當竹林
好鳥自鳴寂菜畦蛺蝶殊悠揚生意由來滿天地粧

點池臺足佳致門清祗覺白晝長庭閑况復遊絲細
靜觀元化深無涯中心默默含春熙願効冰霜達陽
氣普期八表仁風吹

